

玉

海

四十一

玉海卷八十二

沒儀王應麟伯厚甫

車服

冕服

漢永平旒冕衣裳 玉佩紉履 漢冕冠

平冕 龍衮

紀永平二年正月辛未宗祀光武於明堂帝及公卿

列侯始服冠冕衣裳玉佩紉履以行事

詳見車服制度

注漢

官儀曰天子公卿特進諸侯祀天地明堂皆冠平冕
三禮圖冕以四十升布漆而爲之廣八寸長三寸前

下後高有俛伏之形董巴輿服志顯宗初服冕衣裳
以祀天地衣裳以立上纁下徐廣輿服注漢明帝案
古禮備其服章天子郊廟衣阜上絳下前三幅後四
幅衣畫而裳繡禮記曰古者君子必佩玉天子佩白
玉公侯佩山立玉大夫佩水蒼玉世子佩瑜玉周禮
屨人掌王赤舄青絢鄭立注云赤舄爲上冕服之舄
也絢屨鼻頭以青絛節之絢音劬三禮圖曰屨複下曰
舄其色各隨裳色東京賦整法服正冕帶珩紃紃紃
徐廣車服儀制曰戰國以鞞非兵節後志聖人作冠
去之漢明帝復制鞞天子赤皮蔽膝冕纓玼以爲首飾凡十二章天子備章公自山以下

侯伯自華蟲以下子男自藻火以下卿大夫自粉米
以下至周而變之以三辰爲旂旗王祭上帝則大裘
而冕公侯卿大夫用九章以下秦滅去禮學郊祀之
服皆以衾玄漢承秦故世祖都于土中始修三雍正
兆七郊顯宗永平二年初服旒冕衣裳文章赤舄舄
屨以祠天地養三老五更於三雍于時致治平矣天
子三公九卿特進侍祠侯祀天地明堂皆冠旒冕衣
裳玄上纁下乘輿備文日月星辰十二章三公諸侯
山龍九章九卿以下華蟲七章皆備五采大佩赤舄
絢屨以承大祭百官執事者冠長冠皆祇服五岳四

瀆山川宗廟社稷皆禘立長冠五郊各如方色云百
官不執事禘立以從冕冠垂旒前後邃延玉藻孝明
皇帝永平二年初詔有司采周官禮記尚書臯陶篇
乘輿服從歐陽氏說公卿以下從大小夏侯氏說冕
皆廣七寸長尺二寸前圓後方朱綠裏立上前垂四
寸後垂三寸係白玉珠爲十二旒以其綬采色爲組
纓三公諸侯七旒青玉爲珠卿大夫五旒黑玉爲珠
注獨斷曰三公諸侯九旒卿七旒與此不同旁垂黹纁郊天祀地明堂則
冠之衣裳玉佩備章采乘輿刺史公侯九卿以下皆
織成注東觀書永平二年正月公卿議春南北郊東

平王蒼議高帝制長冠入宗廟陞下以禮服龍袞祭

五帝久無祭天地冕服之制天地之禮冕冠裳衣宜

如明堂制

志自冕冠至鶚冠其名十九冕冠長冠委貌皮弁爵弁通天遠遊

高山

進賢

法冠

武冠

建華

方山

巧

士

却非

却敵

樊噲

術氏

皆有

纓

執事及

武吏

皆縮纓垂五

寸

鶚冠無綦

東平王蒼傳中興三十餘年蒼

以天下化平宜修禮樂遂與公卿共議定南北郊冠

冕車服制度及光武廟八佾舞數東都賦修袞龍

之法服晉志漢承秦弊西京未有所制及明帝始

采周官禮記尚書及諸儒記說還備袞冕之服天子

之冕前後旒用眞白玉珠魏明帝改以珊瑚珠晉初

王 海 卷 八 十 二
三
仍舊過江服章多闕而冕飾以翡翠珊瑚雜珠侍中
顧和奏改用白璇珠 宋志漢承秦制冠有十三種
魏晉以來不盡施用 隋志陸澄議秦除六冕之制
後漢始備古章魏晉以來非祀宗廟不欲令臣下服
衮冕位爲公者必加侍官故太子入朝因而不著但
承天作副禮絕羣后皇太子朝請服冕自宋以下始
定此儀 宋泰始四年 唐志顯慶元年長孫無忌曰

漢明帝始采周官禮記制祀天地之服天子備十二
章 禮記王制疏虞夏之制天子祭服自日月而下
十有二章六者畫於衣法天之陽氣之六律六者繡

於裳法地之陰氣之六呂凡冕之制皆玄上纁下故
注弁師云玄覆朱裏師說以木版爲中以三十升玄
布衣之於上謂之延也朱爲裏以繒爲之案漢禮器
制度廣八寸長尺六寸又董巴輿服志云廣七寸長
尺二寸皇氏謂此爲諸侯之冕應劭漢官儀廣七寸
長八寸皇氏以爲卿大夫之冕服也蓋冕隨代變異

大小不同今依漢禮器制度爲定

春秋正義阮詵三禮圖漢禮器制度

云冕制皆長尺六寸廣八寸天子以下皆同沈引董巴輿服志云廣七寸長尺二寸應劭漢官儀云廣七寸長八寸沈又云廣八寸長尺六寸者天子之冕廣七寸長尺二寸者諸侯之冕廣七寸長八寸者大夫之冕古禮殘缺未知孰是
玉藻疏漢明帝時用曹褒之說皆用

白旒珠 深衣疏鄭以後漢之時裳有曲裾故以續
衽鉤邊似漢時曲裾今時朱衣朝服從後漢明帝所
爲是今朝服之曲裾也

漢六冕

隋志周禮大裘之冕無旒三禮衣服圖大裘而冕王
祀昊天上帝及五帝之服秦除六冕唯留立冕漢明
帝永平中始創制董巴志云漢六冕同制皆濶七寸
長尺二寸前圓後方 晉志漢承秦改六冕之制但
立冠絳衣 見下

漢衮衣

南齊輿服志衮衣漢世出陳留襄邑所織宋末用繡
及織成齊建武中采畫爲之加飾金銀薄世亦謂爲
天衣

漢五時服 羣臣法服

禮儀志注織室作祭服天地宗廟羣臣五時之服又云
獻帝起居注中平六年令三府長史兩
梁冠五時衣袍事任從千石六百石

禮儀志立春京師百官衣青衣郡國縣道官下至
斗食令史皆服青幘立夏衣赤求雨衣阜先立秋
十八日衣黃立秋衣白施阜領緣中衣迎氣禮畢
皆衣絳立冬衣阜迎氣禮畢皆衣絳冬至衣絳至

立春諸王時變服執事者先後其時皆一日

漢雜事曰高祖時大謁者臣章受詔長樂宮令羣臣
議天子所服謁者趙堯舉春李舜舉夏兒湯舉秋貢
禹舉冬

五時服始於此

張敞傳備皐衣二十餘年

注如淳曰雖有五時服至朝皆著皐衣 谷永傳擢

之皐衣之吏 郊祀歌帝臨章嘉服上黃 蔡邕傳

臣在宰相及備朱衣

謂祭官也

丙顯從祠高廟至

夕牲日使出取齋衣 河東賦命羣臣齊法服

晉志漢制一歲五郊天子與執事者所服各如其方
色百官不執事者服常服絳衣以從魏秘書監秦靜

曰漢氏承秦改六冕之制但立冠絳衣而已魏已來
名爲五時朝服又有四時朝服又有朝服自皇太子
已下隨官受給 隋志晉令皇太子給五時朝服遠
遊冠裴正奏曰後周制冕加爲十二色應五行又非
典故案三代之冠六等之冕無迎氣變色之文唯月
令起秦代乃有青旂赤玉白駱黑衣而不言弁冕案
續漢書禮儀志云立春之日京都皆著青衣秋夏悉
如其色魏晉迎氣五郊行禮之人皆同此制考尋故
事唯幘從衣色今請冠及冕色並用立唯應著幘者
任依漢晉制曰可 續漢志注獨斷曰公卿侍中尚

書衣阜而朝者曰朝臣諸營校尉將大夫以下不爲朝臣賀循曰漢儀親耕青衣幘漢舊儀曰凡齋紺幘耕青幘秋耤劉服紺幘五時袍

見前

晉志魏明帝以公卿衮衣黼黻之飾疑於至尊多所減損始制天子服刺繡文公卿服織成文晉遵而無改西京賦緹衣韎韐注武士之服也周禮注今將伍伯緹衣

漢后服 步繇 圭衣

志太皇太后皇太后入廟服紺上阜下蠶青上縹下皆深衣制茵簪珥簪以瑇瑁爲撻長一尺端爲華勝

上爲鳳皇爵以翡翠爲毛羽下有白珠垂黃金鑷左
右一橫簪之以安齒 皇后謁廟服紺上阜下蠶青
上縹下假結步搖簪珥步搖黃金爲山題貫白珠爲
桂枝相繆一爵九華熊虎赤羆天鹿辟邪南山豐大
特六獸詩所謂副笄六珈者 禮追師注副之言覆

王后首其遺象若今步繇疏漢之步繇謂在首之時

行步繇動 鄧后賜馮貴人玉赤綬以未 詩箋副既

笄而加飾如今步搖上飾 內司服注今世有圭衣

蓋三翟之遺俗疏漢時有圭衣刻爲圭形綴於衣由

周禮有三翟別刻繒綴於衣漢俗尚有

漢弋綵

文帝紀贊身衣弋綵服御無增益注如淳曰弋阜也
傳賈誼曰帝之身自衣阜綵 東方朔曰孝文身
衣弋綵足履革舄衣縕無文 貢禹曰孝文衣綵履
革 揚雄曰聖文綵衣不敝 杜篤云太宗衣無異
采後文苑傳 文中子衣弋綵傷乎禮中焉可也 張安
世傳安世尊爲公侯身衣弋綵注弋黑色綵厚縕
光武身衣大練色無重綵 陸閔善著越布單衣光
武好之敕會稽獻越布

唐元和聖德詩斥遣浮華好此綵紵

漢御浣衣

紀永平十八年肅宗卽位十二月癸巳有司奏孝明
皇帝劬勞日昃身御浣衣食無兼珍不以天下爲樂
馬廖傳上疏長樂宮曰元帝罷服官成帝御浣衣哀
帝罷樂府而侈費不息至於衰亂者百姓從行不從
言也改政移風必有其本陛下躬服厚繒斥去華飾
許后傳上疏舊故中宮乃私奪左右之賤繒及發
乘輿服繒爲待詔補注託言此繒擬待詔別有所補
浣東都賦昭飾儉示太素去後宮之麗飾損乘輿
之服御

文王卑服卽功 禹惡衣服

漢繡袷

見錫予外夷類

漢貂裘

東平王蒼傳建初六年冬蒼上疏求朝明年正月帝
許之帝以蒼昌涉寒露遣謁者賜貂裘及太官食物
珍果七年八月蒼歸國復賜乘輿服御珍寶輿馬
天漢三年西國獻吉光裘 唐太宗親解貂裘賜韋
挺

漢賜車馬衣服

珍寶衣服

三公服